



KEMENTERIAN PERPADUAN NEGARA

SIARAN MEDIA

FESTIVAL HARI MUZIUM ANTARABANGSA 2025 PERINGKAT KEBANGSAAN HARGAI KHAZANAH BUDAYA DAN SEJARAH TANAH AIR

Kementerian Perpaduan Negara (KPN) melalui Jabatan Muzium Malaysia dengan kerjasama Lembaga Muzium Negeri Kedah akan menganjurkan **Festival Hari Muzium Antarabangsa 2025 Peringkat Kebangsaan** dari **23 hingga 29 Julai 2025** di **Muzium Padi, Kedah**.

Dengan tema "**Masa Depan Muzium dalam Komuniti yang Berubah Pantas**", festival ini bukan sekadar sebuah acara warisan, tetapi merupakan **wadah penyatuan rakyat Malaysia dalam menghargai khazanah budaya dan sejarah tanah air**.

YB Datuk Aaron Ago Dagang, Menteri Perpaduan Negara berkata "Dalam landskap masyarakat yang semakin dinamik dan berbilang bangsa, muzium berperanan sebagai **jambatan antara generasi, merentas latar belakang etnik dan agama, menyatukan kita dalam satu naratif kebangsaan yang inklusif dan bersepadu**. Festival ini membawa pengisian yang padat dan menarik seperti pameran interaktif, bengkel pendidikan, persembahan kebudayaan serta aktiviti komuniti yang meraikan kepelbagaian dan kekuatan warisan negara".

Antara aktiviti yang akan dianjurkan adalah Pameran muzium, Citrawarna muzium, Bengkel asasi seni telepuk, Pertandingan qasidah, Bengkel melangir keris, Pakat tughun bendang, Bengkel wau sobek, Pertandingan seni suara burung, Pertandingan ayam serama, *Museum fun run*, Sesi bersama Dato' Lat, teroka khazanah, permainan tradisional dan bicara seni.

KPN melihat inisiatif seperti ini sebagai platform penting dalam memperkukuh jati diri nasional serta menyemai nilai kebersamaan dan

persefahaman antara rakyat, selaras dengan aspirasi Malaysia MADANI. KPN menyeru seluruh rakyat Malaysia untuk bersama-sama memeriahkan festival ini di Muzium Padi, Kedah.

Kementerian Perpaduan Negara

21 Julai 2025

KPN.100-9/1/16 (53)